

НЭ'МА АҚУБ

Пешготъна институте

Нэма Ақуб те бежи мина бэрэвокэке йэ, йа кө бона ван эндэмед щывина^Ф Хвэде йэ, к'ижан кө т'эмамийа дънийайеда бэлабуйи нэ (1:1). Ль гора шэ'дед сэдсалийед пешьнда хөдане ве нэ'ме Ақубе^Ф бьре Иса Мэсиһ э (Мэтта 13:55; Марқос 6:3) у сэрверэки щывина Оршэлимеда^Ф бу (К'аред Шандийа 12:17; 15:13; 21:18; 1 Корьнт'и 15:7; Галати 1:19; 2:9). Эв бь хэбэред қəват у мäsэлед бэдəв р'е дьдэ бэр бавэрмэнда, вэки бькарьбьн бь сэрвахти^Ф нава э'мьрэки р'астда бьжин. Эв сэр чэнд пьрса дьсэкьнэ, ава готи сэр дэвлэтийе у фэқирийе, щер'ьбандьне^Ф, жийина пироз^Ф, фьрқикьрьне, бавэрийе^Ф у кьрьнед we, öса жи дэрһэқа зедэзьманийе, сэрвахтийе, шэр'-дэ'wa, к'öбарийе у мьлуктийе, хэйбе у ломэк'арийе^Ф, сэбьре у дöа.

Ве нэ'меда эв гьранийе дьдэ сэр ве йэке, вэки жийина мэсиһийеда^Ф гэрэке һьн бавэри һэбэ, һьн жи кьр. Дьл дьдэ, вэки нава щэфа у тэнгасийада^Ф сэбьр кьн, қəвата дöакьрьнеда бавэр бьн у бь р'öһ'ани али һэв бькьн.

Сэрэщэма фькьра нэ'ме

Пешготън (1:1)

Бавэри у сэрвахти (1:2-8)

Фэқири у дэвлэти (1:9-11)

К'этън-р'абун (1:12-18)

Бьбьһен у бьқэдиньн (1:19-27)

Бона фьрқикьрьне (2:1-13)

Бавәри у кърн (2:14-26)

Бавәрмәнд у зьмане ви (3:1-18)

Бавәрмәнд у дьня (4:1-5:6)

Ширәтед щур'ә-щур'ә (5:7-20)

1 ¹ Жь Ақубе^Ф хөламе Хвәде у Хөдан^Ф Иса Мәсиһ:
Сьлав ль вә һәр донздәһ әширед дьняйеда*
бәлабуи бә.

Бавәри^Ф у сәрвахти^Ф

² Хушк-бърайед мьн, шабунәкә мәзын һ'әсаб кьн, гава
һун бьк'эвнә нава щур'ә-щур'ә щер'ьбандьна. ³ Фәмдари
йә, кә щер'ьбандьна бавәрийа^Ф вә сәбьре пешда тинә.
⁴ У сәбьр жи, бьра бь думька дьреж бә, вәки һун
к'амьл у гьһишти бьн, т'ө кемасикә вә т'өнәбә. ⁵ һәгәр
сәрвахтийа^Ф йәки жь вә т'ера ви накә, бьра һиви жь
Хвәде бькә у we жь wir'a бе дайине. Әw бь мәр'дани
дьдә һ'әмуйа у т'ө кәси бевәдър накә. ⁶ Ле т'әне бьра
бь бавәрийе^Ф бьхвәзә у дөдьли нәбә, чьмки йе дөдьли
мина пелед бә'ре йә кә жь байе бьльнд дьбьн у датиньн.
⁷ Мәрьве^Ф өса бьра нәфькьрә, кә we тыштәки жь Хөдан
бьстинә. ⁸ Әw мәрьве кә сәр дө ныга дькөлә, һ'әму гавед
хвәда нә сәр йа хвә йә.

Фәқир у дәвләти

⁹ Бъраие бәләнгаз бьра сәр бьльндбуна хвә бьфьр'ә, ¹⁰ ле
йе дәвләти сәр ньмьзбуна хвә, чьмки әве мина гөлед
гиһе һ'ьшк бә һәр'ә. ¹¹ Чава тә'в бь гәрмайийа хвәва дәрте
гиһе һ'ьшк дькә, гөл же дьварьн у бәдәвәтийа диндара

* 1:1 Бь готьнәкә дьн: «Донздәһ әширед Израеле^Ф».

we жи онда дьбэ, өса жи йе дэвлэти we ише хвэда
 быч'ьлмьсэ һэр'э.

К'этын-р'абун

¹² Хвэзи ль wi мэрви, кө щер'ьбандьнада тэйах дькэ,
 чьмки гава бы щер'ьбандьне р'успи дэре, эве к'офийа^Ф
 жийине быстинэ, к'ижан кө Хвэде ванр'а соз дайэ, йед кө
 wi һ'эз дькын. ¹³ Бьра т'ө кэс, йе кө нава щер'ьбандьнеда
 йэ, нэбежэ: «Хвэде мьн бы хьрабийе дьщер'ьбинэ», чьмки
 Хвэде хьрабийада найе щер'ьбандьне у нэ жи йэки
 дьщер'ьбинэ. ¹⁴ Ле һэр кэс дьбэ машоде дьлһавьжийед
 хвэ, дьхапэ у те щер'ьбандьне. ¹⁵ һынге дьлһавьжи кэле
 хвэ дьстинэ, гөнэ^Ф же дьфьрькэ у гөнэ жи кө мэзын дьбэ,
 мьрын же дьбэ.

¹⁶ Нэхапын хушк-бьрайед мьнэ дэлал! ¹⁷ һэр дайина
 қэнц у һэр п'ешк'еша^Ф к'амьл жь жор э, жь Бав^Ф,
 жь Э'фьрандаре р'онайа те хваре, йе кө нэ хвэха те
 г'һастьне, нэ жи си бэр wi дадыгэр'э. ¹⁸ Эwi ль гора
 қьрара хвэ эм бы хэбэра р'астийе жь хвэ дьне хьстын,
 вэки эм быбьнэ тьһэрэки ньхөрийе э'фьринед wi.

Бьбьһен у бьқэдиньн

¹⁹ Заньбьн*, хушк-бьрайед мьнэ дэлал, бьра һэр мэрвь
 бьһистьнеда сэрхвэ бэ, ле хэбэрдан у һерск'этьнеда
 гьран бэ, ²⁰ чьмки һерса мервь р'астийа Хвэде найнэ
 сери^Ф.* ²¹ Лэма һ'эму мьр'дар'ийе у һэр хьрабийе жь хвэ

* 1:19 Нав дэстньвисаред һьнэкада дэвса «заньбьн» хэбэра «ава»
 һэйэ.

* 1:20 Аһа жи те фэмкьрьне: «Чьмки һерса мервь наһелэ кө мэрвь ль
 бэр Хвэде р'аст бьжи».

дур хьн, бь мьлуктийе we хэбэра нава wэда чанди qэбул кьн, йа кö дькарэ р'öh'e wэ хьлаз^ф кэ.

²² Хэбэре бьqэдиньн, нэ кö т'эне бьбьнен у öса хwэ бьхапиньн. ²³ Hэгэр йэк хэбэре т'эне дьбьне у наqэдинэ, эw мина wi мэрви йэ, йе кö нэйнькеда р'энг-р'уйе хwэ дьньher'э. ²⁴ Хwэ дьбинэ, дэрбаз дьбэ дьчэ у зу бир дькэ, кö эw йэки чава бу. ²⁵ Ле эwe кö ч'э'ве хwэ жь qануна к'амьлэ кö аза дькэ набрь'э у нава weда дьминэ, дьбьне бир накэ, ле дьqэдинэ, эw wan кьрьнед хwэда хwэзбли йэ.

²⁶ Hэгэр йэк хwэ хwэдeнас h'эсаб дькэ у зьмане хwэ нькарэ, эw хwэха хwэ дьхапинэ, хwэдeнасийа wi п'уч' э. ²⁷ Ль бэр Бав Хwэдейе мэ хwэдeнасийа р'аст у беqöсур эв э: Тэ'ли-тэнгийада дэст бавежьнэ севийа^ф у жьнэбийа у h'эвза хwэ жи жь лэк'ед дьне бькэ.

Фьрчийе нэкьнэ нава мэрьва

2 ¹ Хушк-бьрайед мьн! hун кö бawэрмэндeд Хöдане мэ Иса Мэсиhe хwэйир'умэт ьн, фьрчийе нэкьнэ нава мэрьва. ² Мэсэлэ, гава йэки гөстила зер' т'элийеда у к'ьнщед р'эwш wэргьрти бе щьвина^ф wэ, öса жи йэки бэлэнгаз бь к'ьнщед п'ьзьнива бе ³ у hун дина хwэ бьдьнэ йе хwэйе к'ьнщед р'эwш у бежьне: «К'эрэм кэ ве жоре р'уне», ле йе бэлэнгазр'а бежьн: «Сэр п'ийа бьсэкьнэ» йан жи «ве жере р'уне», ⁴ гэлö hун нава хwэда фьрчийе данайньн у набынэ h'акьмед фькьред хьраб?

⁵ Бьбьнен хушк-бьрайед мьнэ дэлал! Нэ Хwэде бэлэнгазед ве дьне бьжартьн, wэки бь бawэрийе дэwлэти бьн у wаред we П'адшатийе бьн, к'ижан кö Хwэде wanp'а соз дайэ, йед кö wi h'ьз дькьн? ⁶ Ле hун бэлэнгаза беhөрмэт дькьн! Чьма эw йед дэwлэти ниньн,

кө зоре ль вә дькьн у вә к'аши бәр диwane дькьн?
 7 Чьма эw ниньн, йед кө к'ьфьрийа ви наве қәнц дькьн,
 к'ижан сәр вә йә?

8 һәгәр һун қануна Падшатиye бьқәдиньн, ль гора
 ньвисара кө дьбежә: «Һәвале хwә wәкә хwә һ'ьз бькә»*,
 һун қәнц дькьн. 9 Ле һәгәр һун фьррийе дькьн, гона
 дькьн у һьндава Қанунеда дьбьнә йәки гөнәк'ар^ф. 10 Әwe
 кө т'әмамия Қануне хwәй дькә, ле тыштәки же бәр'дьдә,
 эw дьбә дәйндаре т'әмамия Қануне. 11 Чьмки әwe кө гот:
 «Зьнийе нәкә»* өса жи гот: «Нәкөжә»**. Аwa һәгәр зьнийе
 нәки, ле бькөжи, диса Қануне дьт'әр'ьбини. 12 Хәбәрдан
 у кьрьнед хwәда өса бьн, чава йед диwана wане бь we
 қануне бьбә, йа кө азайийе дьдә. 13 Чьмки бе р'ә'м we
 диwана бер'ә'ма бьбә, ле р'ә'м ль бәр диwane р'успи дькә*.

Бавәри у кьрьн

14 Чь фәйдә хушк-бьрайед мьн, һәгәр йәк бежә кө
 бавәрийа ви һәйә, ле кьред ви т'өнәбьн? Гәло эва
 бавәрийа дькарә ви хьлаз кә? 15 Мәсәлә, һәгәр бьрак йан
 хушкәк сьт'ар ле т'өнәбә йан һ'әwщә нане р'оже бә, 16 жь
 вә йәк wанр'а бежә: «Бь хер у сьламәт һәр'ьн, гәрм у т'ер
 бьн», ле тыштед кө эw һ'әwщә бьн нәдә wан, чь фәйдә?
 17 Өса жи бавәри, һәгәр кьред we т'өнәбьн, бь т'әне мьри
 йә.

18 Ле йәке бежә: «Бавәрийа тә һәйә, кьред мьн һәнә».
 Ле эзе бежьм: К'а бавәрийа хwә бе кьрьна нишани мьн

* 2:8 Қануна К'аһинтийе 19:18.

* 2:11 Дәрк'әтьн 20:14; Қануна Дөщари 5:18.

** 2:11 Дәрк'әтьн 20:13; Қануна Дөщари 5:17.

* 2:13 Бь йунани хәбәр бь хәбәр аһа йә: «Р'ә'м сәр диwane дьк'әwә».

кэ, эзе жи бавэрийе бь кьрьнед хвэва нишани тэ кьм.
¹⁹ Тө бавэр дьки, кө Хвэде йэк э. Қэнщ э! Щьн^ф жи бавэр дькьн у дьбьздьн. ²⁰ Ле тө дьхвази эв йэк бе избаткьрьне, мэрьве бей'ш, вэки бавэри бейи кьра мьри йэ? ²¹ Нэ Бьрахиме^ф баве мэ бь кьра р'аст хатэ һ'эсабе, гава көр'е хвэ Ишаq^ф дани сэр горигәһе^ф, кө бькэ қөрбан^ф? ²² Тө дьбини кө бавэрийе т'эви кьред ви йа хвэ кьр у бь ван кьра бавэрийе р'ийа хвэ қэданд? ²³ У готьна ньвисаре хатэ сери, кө дьбежэ: «Бьрахим бавэрийа хвэ Хвэде ани у эв жер'а р'асти хатэ һ'эсабе»* у досте Хвэде хатэ готьне. ²⁴ һун дьбиньн кө мэрьв бь кьра р'аст те һ'эсабе, нэ кө т'эне бь бавэрийе?

²⁵ Нэ өса жи Р'эхаба^ф ч'э'вдәр^ф бь кьра р'аст хатэ һ'эсабе, гава щэ'сус қэбул кьрьн у эв р'екэ дьнва вэр'екьрьн?
²⁶ Ава чава қальб бе р'öh' мьри йэ, өса жи бавэри бейи кьра мьри йэ.

Зьман

З¹ Бьра гэлэк жь вэ, бьрайед мьн нэбьнэ дэрсдар, чьмки һун заньн диwane сэр мэ дэрсдара һе гьран бэ. ² Бэле эм һ'эму жи гэлэки шашийа дькьн. һэгэр йэк хэбэрданеда т'ө шашийе накэ, эв йэки к'амьл э, кө дькарэ т'эмабийа қальбе хвэ зэфт кэ. ³ Эм гәме давежьнэ дэве һәспе, вэки эв бе зэфте, кө эм сэрверийе т'эмабийа һәспе пева бькьн. ⁴ Эм биньн сэр гэмийе жи. Эв чьқаси мэзын ьн у жь бэр байе қайим тенэ ажотьне, ле бь чэрхэкэ гэлэки бьч'ук тенэ сэрверикьрьне, дьле гэмиван^ф к'ийалида кө бьхвазэ. ⁵ өса жи зьман эндәмәки бьч'ук э, ле тыштед жь хвэ мәстьр дьбежэ. Дина

* 2:23 Дэстпелун 15:6.

хвә бьднә пьрискә агьр, чь дарьстанәкә мэзын дькарә бьшәвьтинә! ⁶ Зьман жи агьрәк ә, дньйакә зөлмк'ар ә нава эндәмед мәда. Әв т'әмамийа қальбе мә дерьс дькә, агьр дәвра жийина мерьв дьхә у әв хвәха жь алава агьре доже^ф пегьрти йә. ⁷ Һәр щур'ә р'ә'вьр, тәйрәдә, шульки у һ'әйванед бә'ре тенә зәфте у зәфти мерьв дьбьн, ⁸ ле т'ө қул-бәндә зьмен нькарә. Әв зөлмк'арәки беар ә, жә'ра мә'рава дагьрти йә. ⁹ Әм бь ви шькьрийе дьднә Ходан у Бав, бь ви жи ньфьр'а мерьв дькьн, йед кә дьлде Хвәдеда һатнә хөльқандьне. ¹⁰ Һәма жь ви дәви жи дөа у ньфьр' дәртен. Хушк-бьрайед мьн, әв йәк нә щайиз ә кә аһа бә. ¹¹ Гәло жь ч'ә'вканике ава хвәш у тә'л дьдә дәр? ¹² Гәло дьбә хушк-бьрайед мьн, вәки дара һежире бәре зәйт'уне бьдә, йан жи к'ола тьрийе һежире? Нә жи жь шор'айийе ава хвәш дәрте?

Сәрвахтийа дньйае у сәрвахтийа ә'змен

¹³ Нава вәда к'и сәрвахт у ақьл ә? Бьра әв бь п'әргалийа хвәйә қәнщ, кьред хвә бь мьлуктийа сәрвахтийе бьдә к'ьфше. ¹⁴ Ле һәгәр дьле вәда һ'әвсудийа хьраб у ч'ә'внәбари һәнә, к'өбар нәбьн у р'астийе дәрәв дәрнәхьн. ¹⁵ Әва «сәрвахтийа» нә дайина жорьн ә, ле жь дьне йә, йа мәрьвайи йә у жь щьна йә. ¹⁶ Чьмки ль к'идәре һ'әвсуди у ч'ә'внәбари һәнә, ль вьр бет'әрбәти у һәр кьрьнед хьраб жи һәнә. ¹⁷ Ле сәрвахтийа жорьн, бәре пешьн пақьж ә, паше ә'дъл ә, мьлук у бәрбьһер ә, бь р'ә'ме у бәред қәнщийева т'ьжи йә, бе т'агер^ф у бе һ'ьләк'ари йә. ¹⁸ У бәре р'астийе жь алийе йе кә бь ә'дьлайийе дьчинә те чьнине.*

* 3:18 Аһа жи те фә'мкьрьне: «У р'асти әв бәр ә, кә йе ә'дъл т'охьме ә'дьлайийе дьчинә».

Йаре дьне, нэйаре Хвэде

4 ¹ Жь к'ө нэ эв шэр' у дэ'we нава вэда? Нэ жь тэмед вэ нэ, кө нава дьле вэда шэр'е хвэ дькьн? ² Ч'э'ве вэ ль тышта йэ, ле нак'эвэ дэсте вэ, дькөжьн у ч'э'внэбарийе дькьн, ле нькарын быгънижьнэ мэрэме хвэ, һынге һун һэвр'а дьк'эвьнэ һ'ощэте у шэр' дькьн.* һун дэст нахьн, чьмки һун һиви жь Хвэде накьн. ³ У гава һиви дькьн, настиньн, чьмки сэр нета хьрабийе һиви дькьн, вэки к'ефед дьле хвэ дэрбаз кьн. ⁴ Беэ'сьлно! һун ньзаньн к'е ве дьне һ'ыз дькэ, эв нэйартийе ль Хвэде дькэ? Ава к'и дьхвазэ бьбэ йаре дьне, эв хвэ дькэ нэйаре Хвэде. ⁵ Йан т'эхмина вэ бадихэва^ф ньвисар дьбежэ, кө Хвэде дэмана ви р'өһ'е бэр мэда йэ? ⁶ Ле бале эв һе к'эрэме^ф дьдэ мэ. Лэма ньвисар дьбежэ:

«Хвэде мьрабьли к'өбар-бабаха йэ,
ле к'эрэме дьдэ шкэстийа»*.

⁷ Ава бэр Хвэде шкэсти бьн. Мьрабьли Мирещьн^ф бьсэкьньн у эве жь вэ бьр'эвэ. ⁸ Хвэ ль Хвэде быгьрын, Хвэде жи we хвэ ль вэ быгьрэ. Дэстед хвэ бышон, гөнэк'арно, дьле хвэ пафьж кьн, дөдьлино. ⁹ Бьнэ'льн, шин у гьри бьн, бьра к'эне вэ бьбэ шин у эшқа вэ жи к'эдэр. ¹⁰ Ль бэр Хөдан хвэ бышкеньн у эве вэ бьльнд кэ.

* 4:2 Аһа жи те фэ'мкьрьне: «Ч'э'ве вэ ль тышта йэ, ле нак'эвэ дэсте вэ у дьбьнэ меркөж. һун ч'э'внэбарийе дькьн, ле нькарын быгънижьнэ мэрэме хвэ, һынге дьк'эвьнэ һ'ощэте у шэр' дькьн».

* 4:5 Аһа жи те фэ'мкьрьне: «Кө эв р'өһ'е бэр бина мэ ч'э'внэбарийеда йэ».

* 4:6 Готьнед Сълеман 3:34.

Хэйба бьре хвэ нэкэ

¹¹ Хэйба һэвдө нэкьн хушк-бьрано. К'и хэйба бьре хвэ дькэ, йан лома бьре хвэ дькэ, эв хэйба Қануне дькэ у лома Қануне дькэ. Ле һэгэр тө лома Қануне дьки, иди тө Қануне нақэдини, ле һ'акьме we йи. ¹² Т'эне Қанундарэк у һ'акьмэк һэйэ, кө дькарэ һьн хьлаз кэ у һьн жи онда кэ. Ле тө к'и йи кө лома һэвале хвэ дьки?

Һ'эвза хвэ жь к'обарийе бькьн

¹³ Ньһа һун гөһдар бьн, йед кө дьбежьн: «Иро йан сьбе эме һэр'ьнэ фьлан бажари у ль we дәре салэке бьминьн, т'ощарэтийе^ф бькьн у қазьнщ кьн». ¹⁴ һун ньзаньн we сьбе чь бе сэре wэ. Э'мьре wэ чь йэ? һун мина мьже нэ, һэв дьньһер'и һэйэ, һэв дьньһер'и т'өнэ. ¹⁵ Гэрэке һун аһа бежьн: «Һэгэр Хөдан бьхвазэ, эме бьжин у фьлан йан беван тышти бькьн». ¹⁶ Ле һун бь к'обар-бабахийа хвэ дьфьр'ьн. һэр п'эйдаинэкэ аһа хьраби йэ. ¹⁷ Аwa эwe кө занэ қәнщийе бькэ у накэ, эв жер'а гөнэ йэ.

Бона дэвлэтийа

5 ¹ Ньһа һун бьбьһен, дэвлэтино! Бьгьрин у шине бькьн бона we бэлэнгазийа кө we бе сэре wэ. ² һэбука^ф wэ р'ьзи йэ, к'ьнщед wэ жи бунэ хөре бьзузе. ³ Зер' у зиве wэ зэнг гьртьн э у зэнга wане бьбэ шэ'де мьқабьли wэ у мина алава егьр гоште wэ һ'уфи хвэ кэ. Wэ бона р'ожед ахьрийе хьзнэ хвэр'а т'оп кьр! ⁴ Wэ эв һэқед п'алед кө э'рде wэ дьдьрутьн нэдане. Ва йэ эв һэқ дькьнэ зарин. Шькийате^ф ван п'ала гьһиштийэ гөһе Хөдане Зор. ⁵ Wэ ль сэр дьне ч'э'ве хвэ тыштэкида нэһьштийэ, ль гора дьле хвэ хварийэ-вэхварийэ, чава к'озикьри^ф, бона р'ожа

сэржекърне. ⁶ Вэ эw мэръвед р'аст ломэк'ар^Ф кърн у кôштън, к'ижан кô мърабъли wэ р'анэбун.

Сэбър у дôа

⁷ Аwa хушк-бърано, сэбър кън h'эта hatъна Хôдан. Дина хwэ бьдъне, щотк'ар хивийа бэре эрдейи бь қимэт э, бона we йэке сэбър дькэ h'эта барана пешьн у пашьн ледэ. ⁸ Хун жи сэбър кън, гôмана хwэ онда нэкън, чьмки hatъна Хôдан незик э. ⁹ Бина хwэ жь hэвдô тэнг нэкън хушк-бърано, кô диwана wэ нэбэ. Ва йэ h'акъм пышт дери сэкъни йэ.

¹⁰ Хушк-бърано, алийе тэ'ли-тэнгийа у сэбьреда ч'э'в бьдънэ wан п'ехэмбэра, йед кô бь наве Хôдан хэбэр данэ.

¹¹ Бэле эм хwэзийа хwэ ль йед сэбър дькън тиньн. Wэ бона сэбьра Ибо бьхистийэ у wэ дит, Хôдан ахьрийа wi чава хер кър. Хôдан чьқаси исаф^Ф у р'эм э!

¹² Бэри хэр тышти хушк-бьрайед мьн, сонд нэхwьн, нэ бь э'змен, нэ бь эрде, нэ жи сондэкэ майин. Бьра «Бэле»-йа wэ бэле бэ, «На»-йа wэ на бэ, wэки хун диwане сэр хwэда нэйньн.

¹³ Hэгэр йэк жь wэ тэ'ли-тэнгийеда йэ, бьра дôа бькэ. Hэгэр йэк ша йэ, бьра эшқи Хwэде бьстьре. ¹⁴ Hэгэр йэк жь wэ нэхwэш э, бьра гази бэрпърсийаред щьвине кэ, сэр wiда бьра дôа бькън, бь наве Хôдан бь р'ун^Ф р'ун кън.

¹⁵ У дôайе бь бawэрийе we йе нэхwэш қэнщ кэ у Хôдан we wi р'акэ сэр п'ийа. У hэгэр гонэк жи кърьбэ, we wi бе бахшандъне. ¹⁶ Лэма бэр hэв гонед хwэ бьдънэ р'уйе хwэ у бона hэв дôа бькън, wэки хун қэнщ бьн. Дôайе йе р'аст гэлэки қэwат э у h'ôкôм дькэ. ¹⁷ Елйас^Ф хут мэръwэки мина мэ бу, бь дьл у щан дôа кър, кô баран нэбарэ у се

сал у нива сэр э'рде баран нэбари. ¹⁸ У паше дуса дөа кър, жь э'змен баран бари у э'рде бэре хwэ да.

¹⁹ Гэли хушк-бърайед мьн! нэгэр йэк жь wэ жь р'ийа р'астийе бьк'эвэ у йэки дьн ши вэгэр'инэ, ²⁰ бьра эw заньбэ йе кө гөнэк'ар жь р'ийа шийэ хальфи^ф вэдьгэр'инэ, эw р'öh'эки жь мьрьне хьлаз дькэ у гэлэк гөна р'эсит дькэ.